

En puɗɗorii Innde Alla, Huubudo yurmeende, Heerordo yurmeende.

Hol ko woni Quraana tedduɗo O?

Quraana tedduɗo o woni haala Alla jom binnde e tagɗo de O, O tellani mbo e timmoode Nelaabe Muhammadu - yo o his- ngam o tinndina yimbe be ko wadi O tagi be, e ngam feewnude be faade e malal mabbe aduna e laakara, e daɗ- ndude be e kiite duumotoode caggal maayde, ko nde woni sakkatiinde tellaade e defte tellinaade de; nde goonɗani de, nde momti sariyaaji hede.

Quraana tedduɗo o ko maande e kaawis duumiido, kombo daliil annabaagal Nelaado Muhamamdu yo jam e kisal won e makko, Alla teddi heen yimbe e jinneeji nde be ngaddata yeru hembo wollo boom hay si ko simoore, be ndonki duum.

Kombo tellii ko gila ko adii duubi 1400, junngo wayloowo waylaani mbo wollo junngo wostotoongo memaani mbo, mambo heddo hombo reenira demngal arab(arabbe) ngal mbo tellori ngal, sabu ko Alla defii reende mbo haa sakket jamaanu.

Ko Quraana tedduɗo o woni asli do sariya yaltata, kammo woni laawol jubbinat- ngol nguurndam yimbe mbo ñaawabe kala yonto e nokku, hombo noddo jiyaabe rewde Alla tagɗo kanko tan, mbo holla jolde tagde aade, e mbirniindi ko benni e aade he e ko arata e janngo makko, e daari annabaabe adii be yobe kis, e hono Alla wallaribe O halki aɓbe mabbe, ina e hembo asliiji dewe Alla e gollondire e noddude faade e jikkuuji moyfi, e reentinde jikkuuji ñiɗaadi, e battane ñande laakara, de ngonata ko aljanna wonande goonɗinbe, e galle yiite wonande tooñoobe e heefereebe. .

Ngam himmude nde deftere teddunde nde Alla tellini e (larabore)demngal arab, O yamiri yo nde yottine e yimbe he- ina wela min- aan janngoowo tedduɗo o- nde min ngaddanat ma Quraana pulaado e demngal ma, haa paamaa e ngam joojinde yottinde mbo, dental joringal golle de wadii tiidnaare sanne ngam faamude maanaaji hembo e fulde mbo, wondude e yananeede no aade tiidnarii e fulde mbo fof ma o heb ñakkere e tottirde maanaaji hembo tedduɗi di, di yi'al Quraana donkindo keetdo dow kala golle aade ngaddi di, kala jidɗo anndude ko buri heewde e haqiiqaaji di Quraana tedduɗo o addi, mbeda min mbasiyoo mbo nde o janngata demngal arab ngal Quraana tellii emum.

Yo kisal won e Nulaabe, denndaangal jattooje ngoodanii Jom binnde.

Yaacniinde Quraana tedduɗo o.

www.quranenc.com

Ina wela min nde min kebata ebbaade mon e miijooji mon ngam bamtude fulde tawa ko rewruude e henorde miijooji gondi e kala aaya gondo e yaacniinde Quraana tedduɗo o(www.quranaenc.com) si a faalaama jokkondirde e amen e buwaat elktoronik: info@urqnenc.com:

En puɗɗorii Innde Alla, Huubudo yurmeende, Heerordo yurmeende.
Hol ko woni Quraana tedduɗo O?